



Broj: 04-16-15-598/16

Dana: 07.06.2016 god.

Na osnovu člana 17. stav (1), člana 18. stav (1) Zakona o javnim nabavkama («Službeni glasnik BiH», br. 39/14), i čl 6. stav (2) Pravilnika o postupku direktnog sporazuma Agencije za radijacijsku i nuklearnu sigurnost u Bosni i Hercegovini, direktor Agencije d o n o s i,

## **ODLUKU**

### **o pokretanju postupka direktnog sporazuma za nabavku kancelarijskog materijala u Agenciji za radijacijsku i nuklearnu sigurnost u BiH**

#### Član 1.

Ovom Odlukom se pokreće postupak nabavke kancelarijskog materijala za potrebe Agencije.

#### Član 2.

Zakonski osnov za provođenje nabavka iz člana 1. ove odluke predstavlja član 90. Zakona o javnim nabavkama («Službeni glasnik BiH», br. 39/14).

Nabavka iz člana 1. ove odluke će se izvršiti postupkom direktnog sporazuma i ide na teret tekućih izdataka.

#### Član 3.

Realizaciju ove Odluke izvršit će Sektor za pravne, kadrovske, opšte i finansijske poslove.


#### Član 4.

Sredstva za realizaciju ove nabavke osigurana su u Budžetu institucija BiH.

Planirana nabavka je do 5.000,00 KM bez PDV

#### Član 5.

Ova Odluka stupa na snagu danom donošenja.



Na osnovu člana 70. i člana 90. Zakona o javnim nabavkama Bosne i Hercegovine ("Službeni Glasnik Bosne i Hercegovine" broj 39/14), i preporuke Komisije za provođenje postupka javne nabavke ljetnih auto guma za potrebe Agencije o izboru najpovoljnijeg ponuđača broj 04-16-15-598-6/16 od 13.06.2016. godine, Direktor Državne regulatorne agencije za radijacijsku i nuklearnu sigurnost donosi:

## **O D L U K U**

### **O rezultatima okončanog postupka javne nabavke i izboru najpovoljnijeg ponuđača za nabavku kancelarijskog materijala**

#### **Član 1.**

Ovom Odlukom za najpovoljnijeg ponuđača za nabavku kancelarijskog materijala odabran je ponuđač **ATTRADE DOO**.

#### **Član 2.**

Realizacija ove odluke izvršit će se u skladu sa Zakonom o javnim nabavkama i podzakonskim aktima.

#### **Član 3.**

Rok za realizaciju ove odluke je 30 dana od dana potpisivanja.

## **O B R A Z L O Ž E N J E**

U direktnom postupku javne nabavke učestvovalo je pet (5) ponuđača, i to:

- 1. ATTRADE DOO ( sa ponudom od 5 837,72 KM sa PDV-om)**
- 2. PRIMINVEST DOO( sa ponudom od 5 848,95 KM sa PDV-om)**
- 3. FRANEX TRADE ( sa ponudom od 6 089,62 KM sa PDV-om)**
- 4. UNIBANS DOO ( sa ponudom od 6 200,30 KM sa PDV-om)**
- 5. EVROBIH DOO ( sa ponudom od 6 268,86 KM sa PDV-om)**


Nakon otvaranja ponuda, izvršeno je ocjenjivanje blagovremeno prispjelih ponuda, te je Komisija konstatala da ponude zadovoljavaju sve uslove naznačene u tenderskoj dokumentaciji, u smislu tehnički zadovoljavajućih ponuda, odnosno ispunjavaju uslove iz direktnog postupka, prema kriterijima definiranim tenderskom dokumentacijom i važećim Zakonom o javnim nabavkama BiH.

Izbor najpovoljnijeg ponuđača izvršen je na osnovu kriterija najniže cijene tehnički zadovoljavajuće ponude.

Protiv ove odluke dopušten je prigovor Agenciji, u pisanoj formi i u roku od pet (5) dana od dana prijema obavještenja o dodjeli ugovora.

Broj:04-16-15-598-7/16

Datum: 13.06.2016



## U G O V O R o nabavci kancelarijskog materijala

**zaključen između:**

1. **Državne regulatorne agencije za radijacijsku i nuklearnu sigurnost** , Sarajevo, Hamdije Čemerlića 2/1, koju zastupa direktor Emir Dizdarević, (u daljem tekstu: Ugovorni organ) ID broj: 4201357350000 sa jedne strane , i
2. **„ATTRADE“ d.o.o.** Sarajevo, ul. Pehlivanuša br 2, koju zastupa direktor Ismet Hadžić, ID broj: 4200355790006 (u daljem tekstu: Dobavljač).

### Član 1.

Predmet ovog Ugovora je nabavka kancelarijskog materijala za potrebe Ugovornog organa.

### Član 2.

Ugovorni organ naručuje predmetnu robu, a Dobavljač prihvata da izvrši isporuku iz člana 1. ovog Ugovora, a na osnovu provedenog postupka direktnog sporazuma i odluke Ugovornog organa o izboru najpovoljnijeg ponuđača.

Mjesto isporuke kancelarijskog materijala je sjedište Ugovornog organa.

### Član 3.

Ugovorni organ i Dobavljač su saglasni da Ugovor realizuju prema već definisanim uslovima u postupku direktnog sporazuma za dostavu ponuda i to:

- 1) Ugovorni organ prema postupku direktnog sporazuma i
- 2) Dobavljač, prema dostavljenoj ponudi

### Član 4.

U obim roba prema ponudi iz člana 1. ovog Ugovora podrazumijevaju se robe po prihvaćenim cijenama sa uračunatim poreskim obavezama.

Vrijednost ugovorene robe je **KM 5,837.72** (slovima : pethiljadaosamstotinatridesetsedam i 72/100) .U cijenu je uračunat PDV.

#### Član 5.

- (1) Dobavljač se obavezuje da robu fakturiše, na osnovu otpremnog dokumenta (otpremnice) potvrđenog od strane Ugovornog organa .
- (2) Dobavljač se obavezuje na nepromjenljivost ponuđenih cijena ,cijene na fakturi moraju biti iste kao i na ponudi.
- (3) Dobavljač se obavezuje na jednokratnu isporuku po potpisivanju ugovora.

#### Član 6.

Dobavljač se obavezuje na efikasno izvršenje predmetne nabavke.

U slučaju propusta Dobavljača da postupa po Ugovoru, Ugovorni organ utvrđuje razumni rok od 30 ( trideset) dana za ispravku eventualnih propusta.

#### Član 7.

- (1) Dobavljač se obavezuje da će predmetnu nabavku, izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.
- (2) Ukoliko, u naknadno ostavljenom roku od strane Ugovornog organa dobavljač ne postupi po eventualnim primjedbama na kvalitet izvršene usluge, Ugovorni organ ima pravo na djelimičan ili potpun raskid Ugovora pismenom izjavom o raskidu Ugovora.
- (3) U slučaju raskida Ugovora iz stava (2) ovog člana Ugovorni organ ima pravo na naknadu stvarne štete i izmakle dobiti.

#### Član 8.

Ugovorni organ će platiti robu u roku od 30 dana od dana ispostavljanja fakture.

#### Član 9.

Sve eventualno nastale sporove pri realizaciji ovog Ugovora, Ugovorne strane će rješavati sporazumno, u protivnom, ugovara se nadležnost Opštinskog suda u Sarajevu.

#### Član 10.

Svaka od Ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 11.

Za sve što nije regulisano ovim Ugovorom, primjenjivaće se odredbe Zakona o obligacionim odnosima.

Član 12.

Ovaj Ugovor stupa na snagu danom potpisivanja od strane obje Ugovorne strane.

Član 13.

Ovaj Ugovor je sačinjen u 4 (četiri) istovjetnih primjeraka, od čega svaka Ugovorna strana zadržava po 2 (dva) primjerka.

UGOVORNI ORGAN

Direktor  
Emir Dizdarević



Broj: 04-16-15-598-13/16  
Datum, 20.06.2016

DOBAVLJAČ

Direktor  
Ismet Hadžić



Broj: 08/16  
Datum, 13.06.2016.